

38 Alexander Macedo totius Asiae imperium adeptus, solos Gandaros non op- A
 pugnavit. Nam cum ad Gangem cum exercitu peruenisset, ceteris sibi subdi-
 tis Indis, ut nouit Gandaros quatuor milibus elephantis ad bellum paratos, ne-
 quaquam eos armis lacecessit. Indus eodem modo quo Ganges ab Arcto incipit
 ens, inque Oceanum fluens, Indiam diuidit, lapsusque per loca patentia augetur
 pluribus egregijs fluuijs qui in eum decurrunt, quorum precipui Hipanes, Hy-
 dapesque & Acelines dicuntur. sunt praeter hos haud uulgaria flumina Indiam
 interlabentia, quarum regiones eas horum uarijsque fructibus uberes reddunt. Cur
 in India plura maximaque sint flumina, causas philosophi physicique asserunt, In-
 diam situ esse humidam: Scythas uero, Bactrianos, Arianosque uicinas gentes
 elatiores. Merito igitur humiditatem ex superioribus locis ad infima fluentem
 plures & aquosiores fluuios reddidere. Sed quod accidit inter ceteros fluuios
 quem dicunt Sillan, est dictum mirabile. Desluens enim a monte eiusdem nomi-
 nis abrupto, neque alterius fluuii decursu auctus, absorbetur ab hiatus terra. In-
 diam omnem, cum supra modum amplitudine excedat, multae uariaeque incol-
 lunt gentes: quarum nulla originem extra Indiam trahit, sed omnes indigetes ap-
 pellantur. Nunquam externa colonia illuc adijt, neque ipsi ad alias gentes misere.
 Afferunt prisco inde homines his cibis quos terra sua sponte produceret, pel-
 libusque animalium, quemadmodum & Graecos, pro uestibus ufos: artesque & ce-
 tera ad uitam necessaria paulatim adiuuenta, utilitate homines docente, quibus
 natura manus, loquelam, & animi praestantiam adiumenta uitae dedisset. Tra-
 dunt qui prudentiores apud Indos fuisse, prisco temporibus, cum adhuc ho-
 mines dispersi per uicos habitarent, uenisse ad Indos cum exercitu ex occiden-
 tali plaga Dionysium, omnemque peragrassse Indiam, nullis adhuc praclaris con-
 stitutis urbibus quae ei obstitissent. Cum uero ob ingentes aestus exercitus eius
 peste interiret, ut dux prudens in montes ex locis planis milites traduxit. Vbi
 cum uenti frigidi afflarent, & aquae potu uterentur, quae pura ex fontibus ma-
 nabat, a morbo sunt liberati. Locum montanum in quo exercitus a peste euasit,
 femur appellauit. Vnde & Graecos tradidisse de eo Deo posteros ferunt, in Io-
 uis femore Dionysium esse nutritum. Cum multos fructus Indos plantare do-
 cuisset, & uini quoque, aliorumque ad uitam utilium usum dedit: plures insuper
 condidit egregias urbes, cogens ex uillis in ciuitatem migrare. Deorum quoque cul-
 tum tradidit: leges ac iudicia constituit. Tandem propter impensa beneficia, re-
 rumque uarias inuentiones Deus existimatus est, & immortalium honore potitus.
 Scribunt etiam mulierum multitudinem in exercitu circumduxisse, usumque esse
 in acie tympanis cymbalisque, nondum tuba reperta. Cum Indis imperasset an-
 nos duos & quinquaginta, senex defunctus est: cui successerunt in regno fi-
 lij, sed paulatim labente successorum culpa principatu, cum longo tempore post
 regnum omnino defecisset, ciuitates libertate asseruere. Haec de Dionysio, deque
 progenitoribus eius, ab his qui Indiae montana incolunt, traduntur. Hercule
 praeterea uolunt ad Indos accessisse, sicut & Graeci, claua, pelleque leonis orna-
 tum: qui corporis robore uirtuteque multo ceteros homines excesserit, terrae
 insuper ac maris mostra perdomuerit. Cum multas cepisset uxores, filios plu-
 res, natam unicam genuit, filijs, cum ad aetatem peruenissent, omnem distribuit In-
 diam, regnis pro numero filiorum constitutis. Filiam ab se nutritam reginam se-
 cit. Multas praeterea ciuitates ab eo conditas scribunt: maximam clarissimamque
 appellauit Palibotram. In qua sumptuosa aedificata regia, multos in eam intro-
 duxit incolas: sepulchris etiam fluminibusque reddidit urbem munitiorē. Et ipse
 quidem Hercules cum e uita migrasset, immortalium honorem consecutus est.
 Posterius eius per multa regnantes secula, nil dignum memoria gessere, neque exer-
 citu aliquo extra India ducto, neque colonia ad alias nationes missa. Multis post
 annis plurimae ciuitates in libertatem se uindicarunt. Nationes quaedam reg-
 num usque ad Alexandri aduentum passa sunt. Cum leges apud Indos uarietae ha-
 beantur,

Peste

Dionysius

B